

Činjenice i podaci:

Osobe u potrebi za humanitarnom pomoći:

10,000 osoba

Sredstva Švicarske izdvojena u 2018/21. godini:

CHF 3'355'062/BAM 6'070'590

Aktivnosti Švicarske:

- Finansijski doprinos lokalnim organizacijama civilnog društva koje pružaju osnovne usluge migrantima
- Mandat lokalnim organizacijama za izgradnju vodovodnog sistema za čistu pitku vodu migrantima i lokalnom stanovništvu
- Finansijski doprinos UNHCR-u koji pruža zdravstvenu njegu migrantima
- Angažovanje švicarskog stručnjaka za zaštitu djece u UNICEF-u
- Finansijski doprinos Danskom vijeću za izbjeglice (DRC) zapružanje humanitarne pomoći i zdravstvene njege migrantima bezsmještaja
- Finansijski doprinos Crvenom križu Švicarske za humanitarnu podršku migrantima
- Finansijski doprinos Danskom vijeću za izbjeglice da odgovori na pandemiju COVID-19
- Finansijski doprinos CARITAS-u Švicarske za realizaciju specifičnih higijenskih mjera u vezi sa COVID-19



Crveni križ Federacije BiH, partner Danskog vijeća za izbjeglice pruža prvu pomoć migrantima

Kontekst

Od januara 2018. godine, više od 65,000 migranata su prešli preko Bosne i Hercegovine na svom putu prema EU. Najjače i najdinamičnije migracije su u gradovima na samoj granici sa Hrvatskom, većinom u Unsko-sanskom kantonu u sjeverozapadnoj BiH. Veliki broj migranata koji su u tranzitu i koji su se zadržali stvorio je ozbiljan izazov za državu sa ograničenim institucionalnim kapacitetima za rješavanje ove situacije. To je dodatno otežano zbog nedostatka smještaja i nedostatak finansijskih resursa. Oko 10,000 migranata trenutno boravi u BiH. Nedovoljni prihvatni kapaciteti ostavljaju više od 3,000 migranata bez ikakvog skloništa. Izloženi su višestrukim društvenim rizicima i rizicima u smislu njihove zaštite. Otežan im je pristup čistoj vodi, hrani i osnovnoj zdravstvenoj njezi. Pojava pandemije virusa COVID-19 dodatno je otežala situaciju za sve ljude koji žive u BiH, a migranti su izloženi još većem zdravstvenom riziku. Uslovi u prihvatnim centrima su veoma zabrinjavajući. Centri su prepunjeni i osnovne zdravstvene mjere, kao što su mjere socijalnog distanciranja, pravilne higijene i samo-izolacije, nisu moguće ili ih je izuzetno teško provoditi.

Odgovor Švicarske

Na osnovu potreba koje je identificirala Ambasada Švicarske u Bosni i Hercegovini, Vlada Švicarske podržava niz humanitarnih projekata čiji je cilj pomoći migrantima, kao i lokalno m stanovništvu. Projekte finansira Odjel za humanitarnu pomoć Švicarske agencije za razvoj i saradnju i Državni sekretarijat za migracije.

Obezbjeđivanje osnovnih usluga

Crveni križ Federacije BiH i NVO Pomozi.ba su obezbjedili hranu, odjeću i ostale namirnice za migrante koji žive u prihvatnim centrima i u napuštenim zgradama, šatorima ili javnim prostorima.

Izgradnja sistema vodosnabdijevanja

Više od 400 porodica sa djecom, koje su smještene u Hotelu Sedra u naselju Ostrožac na Uni i 113 lokalnih stanovnika nemaju pristup ispravnoj vodi za piće. Projekt koji provodi Una Consulting i Grad Cazin imaju za cilj smanjenje zdravstvenih rizika koji se prenose putem vode, kao i da osiguraju pristup čistoj vodi. Migrantske porodice i stanovnici lokalne zajednice imat će pristup čistoj i svježoj vodi 2021. godine.

Zdravstvena njega za izbjeglice i migrante

Putovanje migranata do BiH je trajalo veoma dugo. Njihovo zdravlje je pogoršano, iscrpljeni su, neki su pretrpjeli povrede, a neki su se razboljeli. Ogromna većina migranata nema pravo na usluge primarne zdravstvene njege. Doprinos Švicarske UNHCR-u omogućio je da 1'000 migranata dobije pristup adekvatnim zdravstvenim uslugama. Obezbjeđena je i nabavka medicinske opreme i

- Donacija lične zaštitne opreme za zaštitu medicinskog osoblja, migranata i lokalnog stanovništva
- Finansijski doprinos Danskom vijeću za izbjeglice (DRC) za pružanje humanitarne pomoći i zdravstvene njege migrantima bez smještaja
- Finansijski doprinos Danskom vijeću za izbjeglice (DRC) za pružanje hitne podrške preko zime
- Finansijski doprinos SEM-a za upravljanje kampom Lipa

lijekova za lokalne pružaoce medicinskih usluga. Zahvaljujući tome poboljšani su zdravstveni status migranata i smanjen rizik od širenja bolesti.

Švicarski ekspert u oblasti zaštite djece

Oko 8,000 migranata bilo je u oktobru 2019. Među njima su porodice sa djecom (28%) i djeca bez pratnje (7%). Ova djeca su daleko od svojih domova i trebaju mjesto u kome će biti bezbjedna, dobiti zdravstvenu njegu, obrazovanje i psihosocijalnu podršku. UNICEF obezbjeđuje zaštitu i podršku 24 sata dnevno, sedam dana u sedmici. Njihov Nacionalni tim bio je ojačan stručnjakom iz Švicarske kako bi se zaštitili interesi ove djece.

Odgovor na humanitarne i zdravstvene potrebe migranata

Nedostatak smještaja ostavlja hiljade migranata bez pristupa hrani, zdravstvenoj njezi, sanitarnim i higijenskim uslovima. Mnogi od njih su bolesni i trebaju hitnu pomoć, uključujući i psiho-socijalnu podršku. Takođe su izloženi zaraznim bolestima. 5,000 migranata koji borave na otvorenom ili su u tranzitu imali su pristup humanitarnim uslugama i zdravstvenoj njezi. Ova pomoć ublažila je njihovu patnju i smanjila širenje zaraznih bolesti, uključujući COVID-19, među migrantima i lokalnim stanovništvom.

Odgovor na pandemiju COVID-19

Migranti koji žive unutar i izvan prihvatnih centara pod velikim su rizikom od infekcije COVID-19. Pristup informacijama, dijagnostici i medicinskoj njezi vitalni su za spašavanje života i ublažavanje zdravstvenih posljedica pandemije. Pandemija je pokazala da postoji velika potreba za proširivanjem kapaciteta zdravstvenih usluga. Švicarska podržava izgradnju infrastrukture zdravstvenih ustanova i nabavku specijalističke opreme za dijagnostičko i urgentno liječenje pacijenata zaraženih korona virusom. Zdravstvene ustanove u četiri kantona i šest lokalnih zajednica imaju bolje uvjete za pružanje bolje zdravstvenih usluga migrantima i lokalnom stanovništvu.

Humanitarni odgovor švicarskog Crvenog križa

Hiljade migranata u tranzitu kroz državu se suočavaju sa nedostatkom pristupa vodi, hrani, smještaju, osnovnoj prvoj pomoći, kao i drugim uslugama. Švicarski Crveni križ podržava Crveni križ BiH kako bi nastavio da pomaže migrantima na njihovom migracijskom putu.

Humanitarni & COVID-19 odgovor Caritas Švicarske

Zbog loših uvjeta u kojima žive, migranti su posebno izloženi riziku od infekcije COVID-19. Švicarski Caritas je obezbijedio usluge pranja ruku u dva prihvatna centra za migrante kao i u pokretnim praonicama i stanicama za pranje ruku na raznim lokacijama izvan prihvatnih centara. Time je omogućeno osnovno održavanje higijene i smanjen rizik od infekcije korona virusom ili drugih bolesti povezanih sa higijenom. Migrantima koji žive izvan prihvatnih centara dostavljani su topli obroci, paketi hrane, odjeća i informacije o mjerama prevencije.

Odgovor na COVID-19 kroz isporuku lične zaštitne opreme

Tokom ljetnih mjeseci brojevi zaraženih COVID-19 u BiH su rasli. Kako bi se medicinsko osoblje i pacijenti u zdravstvenim strukturama i prihvatnim centrima zaštitili od zaraze, Švicarska je donirala 30,200 kompleta opreme – hirurški mantil, maske, nitrilne rukavice i kape – za ličnu zaštitu. Opremu su distribuirali naši partneri, Dansko vijeće za izbjeglice i Crveni Križ Federacije BiH u osam domova zdravlja i devet prihvatnih centara.

Odgovor na humanitarne i zdravstvene potrebe migranata

Humanitarna situacija migranata je još uvijek jako teška. Nedostaju smještaj i osnovne usluge. Zimski mjeseci još više pogoršavaju situaciju i raste rizik od bolesti opasnih po život. Dansko Vijeće za izbjeglice i Crveni križ Federacije BiH omogućit će pristup zdravstvenim uslugama i osnovnoj zaštiti za 10,000 migranata koji žive izvan centra. Opremanje zdravstvenih institucija specijalističkom opremom omogućit će bolju zdravstvenu uslugu za migrante i lokalno stanovništvo.

Hitna podrška preko zime

Stotine ljudi, uključujući žene i djecu spavaju napolju na niskim temperaturama u šumama i napuštenim zgradama. Ostavljeni su u teškim vremenskim uvjetima bez pristupa osnovnoj pomoći. Da bi se izbjegla humanitarna katastrofa i spasili životi, hitnu pomoć će dobiti oko 2,000 migranata. Pomoć uključuje stvari koje će pomoći da prebrode zimu – pokrivači, vreće za spavanje, prostirke, plastične plahte, hrana, paketi sa artiklima za ličnu higijenu i medicinsku njegu.

Doprinos partnerima u 2018/2021. godini:

| Organizacije | Iznos (u CHF) |
|----------------------------|---------------|
| NGO Pomozi.ba | 15'000 |
| Crveni križ Federacije BiH | 25'000 |
| Una Consulting/ Grad Cazin | 200'000 |
| UNHCR | 200'000 |
| UNICEF | 104'200 |
| DRC/RCF BiH | 422'000 |
| DRC | 650'000 |
| Švicarski Crveni Križ | 390'000 |
| Caritas Švicarske | 149'000 |
| DRC/RCF BiH | 160'500 |
| DRC/RCF BiH | 685'000 |
| DRC | 250'000 |
| SEM | 104'362 |

Za dodatne informacije:

Ambasada Švicarske u Bosni i Hercegovini
 Tel. +387 33 25 40 37
 Azra Šarenkapa, viša programska službenica
azra.sarenkapa@eda.admin.ch

Podrška Švicarskog sekretarijata za migracije za upravljanje kampom Lipa

Državni sekretarijat za migracije Švicarske direktno doprinosi operativnosti privremenog kampa Lipa u kojem je smješteno 900 migranata, dopunjavajući intervencije posebnih mjera EU u odgovoru na izbjegličku migrantsku situaciju i tekuću humanitarnu pomoć. Podrška je pružena Službi za poslove sa strancima na upravljanju i nesmetanom radu kampa pokrivanjem troškova pomoćnika na terenu (25) i osoblja za održavanje (5). Ova intervencija će omogućiti sistematski i adekvatan prihvata, smještaj i zaštitu migranata.